

Bosna i Hercegovina
Federacija Bosne i Hercegovine
TUZLANSKI KANTON
KANTONALNI SUD U TUZLI
Broj: 003-0-Su-21-000 261
Datum, 22. juli 2021. godine

**IZVJEŠTAJ ZA PREDMETE RATNIH ZLOČINA
KOJI SE NE MOGU RADITI, JER SU LICA NEDOSTUPNA**

U skladu sa Revidiranom Državnom strategijom za procesuiranje predmeta ratnih zločina od sudova u Bosni i Hercegovini se očekuje efikasnije rješavanje ovih predmeta i njihovo okončanje do kraja 2023. godine.

Radi toga, sudovi u kojima se procesuiraju predmeti ratnih zločina donose planove rješavanja ovih predmeta, s ciljem njihovog efikasnijeg rješavanja.

U Kantonalnom sudu u Tuzli za 2021. godinu nije donesen plan rješavanja predmeta ratnih zločina, jer u ovaj sud nije zaprimljen ni jedan aktivan predmet ratnog zločina u kojem bi se mogao nesmetano odvijati krivični postupak. Trenutno se u Kantonalnom sudu u Tuzli nalaze 2 predmeta ratnih zločina u kojima ne postoje procesne pretpostavke da bi se moglo raditi u ovim predmetima, jer je optuženo, odnosno osumnjičeno lice nedostupno ovom sudu, radi čega su protiv ovih lica raspisane potjernice i dok po potjernici ova lica ne budu uhvaćena i sprovedena u ovaj sud, u tim predmetima se ne može zakazati suđenje.

Radi se o predmetu broj 03 0 K 011847 16 K 2, protiv optuženog B.M. zbog krivičnog djela – Ratni zločin protiv civilnog stanovništva – iz člana 142. stav 1. preuzetog Krivičnog zakona SFRJ, koji je nedostupan i nalazi se u bjekstvu u Republici Hrvatskoj i protiv kojeg je raspisana potjernica. U ovom predmetu u skladu sa članom 433. Zakona o krivičnom postupku Federacije BiH i Sporazuma između Bosne i Hercegovine i Republike Hrvatske o pravnoj pomoći u građanskim i krivičnim stvarima sud je preduzeo aktivnosti da se krivično gonjenje protiv optuženog B.M. ustupi Republici Hrvatskoj, ukoliko se oštećeni ne protivi takvom ustupanju. Oštećeni se na zahtjev ovog suda pismeno izjasnio da se protivi takvom ustupanju, tako da se predmet ne može ustupiti Republici Hrvatskoj, radi čega je neaktivan sve dok optuženi ne bude priveden po raspisanoj potjernici ovom sudu.

U predmetu broj 03 0 K 012459 14 Kps, protiv osumnjičenog M.T. zbog krivičnog djela – Ratni zločin protiv čovječnosti – iz člana 172. stav 1. tačka a) i h) Krivičnog zakona Bosne i Hercegovine u vezi sa članom

29. istog Zakona, osumnjičeni je nedostupan i nalazi se u bjekstvu u Republici Srbiji. U tom predmetu sud je preko Ministarstva pravde Bosne i Hercegovine putem međunarodne pravne pomoći dostavio zamolnicu za Ministarstvo pravde Republike Srbije da li osumnjičeni ima državljanstvo Republike Srbije, radi eventualnog ustupanja predmeta.

U oba predmeta sudije koje su zadužene predmetima dostavljaju redovno izvještaje Visokom sudskom i tužilačkom vijeću BiH i Sudu Bosne i Hercegovine o statusu ovih predmeta i razlozima zbog kojih se u ovim predmetima ne mogu zakazati suđenja.

PREDSJEDNIK SUDA

Indira Hadžimehmedović

